

starogradski

OPĆINA STARI GRAD
SARAJEVO



MUNICIPALITY OF STARI
GRAD SARAJEVO

haber

SPECIJAL

BESPLATAN PRIMJERAK • DECEMBAR, 2021, broj 52.



Sadržaj

- 4-9 Kapitalni projekti u 2021.
- 11-15 Infrastruktura
- 18-20 Podrška i poticaji
- 24-25 Općinsko vijeće Stari Grad Sarajevo
- 29 Predstavljamo privrednike
- 36-38 Obilježavanje značajnih datuma



Impressum

- Izdavač:** Općina Stari Grad Sarajevo
- Pripremili:** Almedina Porča
Alma Imamović
Jasenka Jašarević
Nedim Šahović
- DTP:** Safet Mališević
- Fotografije:** Safet Mališević
Nedim Šahović
- Štampa:** Pentagram d.o.o.
- Tiraž:** 3000
- Adresa:** Zelenih beretki br. 4
71000 Sarajevo
- web:** www.starigrad.ba
- e-mail:** info@starigrad.ba
- Telefon:** +387 33 282 491



Poruka općinskog načelnika



Poštovani građani,

pred vama je posljednji ovogodišnji broj našeg biltena Starogradski haberi - Specijal koji predstavlja zbirku svih projekata koje smo realizovali u 2021. godini. I ova poslovna godina bila je teška i izazovna, ali je završavamo zadovoljni urađenim i konkretnim projektima realizovanim na terenu.

Uspjeli smo dovesti do kraja nekoliko kapitalnih projekata usmjerenih u stvaranje što ugodnijeg okruženja za život i rad naših građana. Među prvima je rekonstrukcija Vrtića "Bulbuli", milionskog projekta koji smo završili u maju ove godine. Među najvišim investicijama u ovoj godini je i rekonstrukcija kanalizacione i vodovodne mreže na Alifakovcu u koju smo također uložili više od 1,4 miliona konvertibilnih maraka.

Radili smo i na poboljšanju infrastrukture i sadržaja za odmor i relaksaciju, te je iza nas uspješno realizovani projekat rekonstrukcije lokalne saobraćajnice Dariva-Kozija čuprija gdje je također po prvi put uvedena i javna rasvjeta. Modernu LED rasvjetu ove godine dobila je i ulica Ferhadija.

U toku ove godine sanirano je 14 ulica, isto toliko potpornih zidova, te 31 stambena jedinica naših socijalno ugroženih građana.

Istovremeno, uključili smo se u projekte koji su bili neophodni našoj lokalnoj zajednici za pružanje što boljih usluga našim građanima. U Starom Gradu je otvoren prvi Punkt Hitne pomoći, kao i prvi Restoran Dobre volje, Udruženja Pomozi.ba kojima smo dodijelili naše prostorije.

Posebno smo ponosni što smo ove godine povećali sredstva za pomoć mladim ljudima i ugroženim kategorijama za samozapošljavanje i pokretanje vlastitih biznisa. Devet korisnika sa održivim i kvalitetnim idejama ove godine dobilo je nepovratna sredstva u iznosu od 70.000 KM. Na stranicama ovog specijala vidjet ćete i da smo neke od njih posjetili i uvjerali se u njihov uspjeh.

Ponosni smo i na jako dobre prijateljske veze koje održavamo sa našim pobratimskim općinama širom svijeta. Te veze izrodile su ove godine još jednom saradnjom. Općina Fatih iz Istanbula odlučila je donirati sredstva u iznosu od 360.000 KM za sanaciju Trga oslobođenja- Alija Izetbegović. Nažalost, zaustavljeni smo u ovom projektu zbog neslaganja sa Komisijom za očuvanje nacionalnih spomenika BiH, ali smo vrlo blizu toga da postignemo dogovor i mogu obećati građanima da ćemo sljedeće godine imati uređen trg.

Kao i obično, na kraju još jedne poslovne godine, mi gledamo naprijed, u ono što nas očekuje i projekte na kojima ćemo raditi. Kao vaš načelnik 14-u godinu zaredom mogu vam obećati da ćemo nastaviti istim tempom i da je puno posla pred nama. U 2022. godini planiramo početak izgradnje još jedne zgrade za zbrinjavanje socijalno ugroženih, izgradnju objekta na Darivi uz dječije igralište, "utopljanje" dvije osnovne škole, sanaciju više od 20 saobraćajnica, rekonstrukciju kanalizacione mreže u sedam ulica i naselja i brojne druge projekte.

U nadi da će naš Stari Grad i dalje rasti, graditi se i obnavljati, da ćemo zapošljavati sve više mladih ljudi i smanjivati broj onih koji su u stanju socijalne potrebe, da ćemo graditi još bolje poslovno okruženje i vratiti turiste iz cijelog svijeta na naše ulice, želim vam sretnu, mirnu i uspješnu Novu 2022. godinu.



Projekti izgradnje, obnove i razvoja Starog Grada u 2021. godini



Vrtić "Bulbuli"

Projekti izgradnje, obnove i razvoja Starog Grada u 2021. godini

Kroz općinski bilten "Starogradski haberi" u toku 2021. godine predstavljali smo kapitalne projekte koje je naša lokalna samouprava, sama ili u saradnji sa partnerima, realizovala. Ti projekti omogućili su mnogo bolje uslove i pružanje usluga za naše građane, a realizovani su u različitim sferama života: infrastruktura, socijalna skrb, odgoj, obrazovanje i drugo. Ukratko ćemo ih predstaviti na narednim stranicama.

Rekonstruisan Vrtić „Bulbuli“

Na Bistriku je 02. maja svečano najavljen završetak rekonstrukcije vrtića "Bulbuli". U potpunosti je obnovljen objekat ukupne površine skoro 400m², urađeni svi građevinski radovi u unutrašnjosti, na krovnoj konstrukciji, montiran solarni sistem, uvedeno podno grijanje, postavljene nove elektroinstalacije i hidroizolacija, izgrađeno novo dječije igralište. Ovaj objekat je bio potpuno devastiran i neupotrebljiv još iz vremena agresije na naš grad i zemlju. Projekat su realizovali Općina Stari Grad i Ministarstvo za odgoj i obrazovanje KS, a investicija je koštala oko 964.000 KM.



Opremljene prostorije vrtića



Nova kanalizaciona i vodovodna mreža na Alifakovcu

Milionski infrastrukturni projekat na Alifakovcu

Još traje realizacija velikog projekta rekonstrukcije kanalizacione i vodovodne mreže u dijelu ulice Veliki Alifakovac i ulicama Alifakovac, Maguda i Megara, koji je počeo, 22. septembra, 2021. godine. Vrijednost ovog projekta je 1.444.800 KM, a njegovom realizacijom će se poboljšati funkcionalnost, olakšati eksploatacija i što je najbitnije, smanjiće se gubici vode u nekoliko naselja. Brojna domaćinstva u ovim ulicama dobit će nove priključke na vodovodnu i kanalizacionu mrežu nakon što se zamijene glavni vodovi koji nisu sanirani više od 70 godina. Na ovaj način je nastavljeno rješavanje komunalne infrastrukture što je jedan od gorućih problema građana Starog Grada.



Mreža nije sanirana 70 godina

Više od pola miliona maraka za novu kanalizaciju na Mahmutovcu

U junu ove godine na Mahmutovcu je završen veliki projekat uvođenja nove kanalizacione i vodovodne mreže u ulicama Kamenica i Paje malta koji je označio kraj dugogodišnjih problema stanovnika ovog starogradskog naselja. Godinama unazad ovi građani su imali problem loše kanalizacione mreže, odvoda otpadnih voda i neadekvatnih kućnih priključaka. Projekat je koštao oko 600.000 KM. Postavljeno je više od 600 metara novih kanalizacionih cijevi za oborinsku i fekalnu kanalizaciju, te više od 200 metara novih vodovodnih cijevi. Sva domaćinstva dobila su priključke, a neka od njih su po prvi put regulisala kanalizacionu odvodnju na propisan način.

Inače, na ovom velikom projektu radilo se posljednje tri godine i nove instalacije postavljene su kroz tri mjesne zajednice: Bistrik, Toka-Džeka i Mahmutovac, odnosno ulice: Kurtin sokak, Begovac, Paje, Paje sokak, Berkuša velika, Berkuša mala, Kamenica i Paje malta. Cijeli projekat koštao je skoro dva miliona maraka.



Kamenica početak radova



Kamenica - pripreme za asfaltiranje



Kamenica - završen projekat

Projekti izgradnje, obnove i razvoja



Saniran dio saobraćajnice Hamdija Kreševljaković

Rekonstrukcija ulice Hamdije Kreševljakovića

I ovaj projekat vrijedan je stotine hiljada konvertibilnih maraka, a njegova realizacija traje više od pola godine zbog nepredviđenih radova koji su iskršli tokom projekta. Do sada je završena sanacija na dionici od Drvenije do raskrsnice prema trolejbuskom stajalištu na Trgu Austrije. Time je završen jedan dio ovog kompleksnog i velikog projekta. Također, urađena je i sanacija dva dijela armiranobetonske stropne ploče Bistričkog potoka koji protiče ispod dijela saobraćajnice a na kome su evidentirana oštećenja tokom radova, te je nanesen prvi sloj asfalta i ponovo uspostavljen trolejbuski saobraćaj. U finansiranje radova sanacije stropne ploče uključila se i

od Drvenije do Austrijskog trga, ukupne dužine oko 450 metara, kao i trolejbusku okretnicu dužine cca 200 metara, a njegova vrijednost je (bez troškova sanacije stropne ploče) oko 750.000 KM.

Sanacija Trga oslobođenja-Alija Izetbegović

Veliki projekat sanacije centralnog gradskog trga - Trga oslobođenja-Alija Izetbegović, počeo je 04. augusta 2021. godine. Već sredinom istog mjeseca radovi su obustavljeni nalogom federalnog inspektora koji je postupao po prijavi Komisije za očuvanje nacionalnih spomenika BiH. U prethodnom periodu intenzivno se radilo na iznalaženju

„Sanacija

saobraćajnice nije se mogla uraditi prije nego što se saniraju oštećenja stropne ploče imajući u vidu da ispod saobraćajnice protiče Bistrički potok koji se proteže ispod trolejbuskog stajališta, prema glavnoj saobraćajnici Hamdije Kreševljakovića, te nadalje prema parku At mejdan gdje se ulijeva u korito Miljacke. Pretpostavlja se da je do oštećenja ploče došlo usljed dugogodišnje eksploatacije saobraćajnice, naročito zbog teretnih motornih vozila, ali i zbog činjenice da se sanacija Bistričkog potoka na predmetnom lokalitetu nije radila nekoliko decenija“, izjavio je načelnik Hadžibajrić.

Grad-ska uprava Grada Sarajevo, a zajedničkog rješenja. Općinski načelnik mr Ibrahim Hadžibajrić i predsjednik Komisije za očuvanje nacional-



Sanacija stropne ploče



Radovi se uskoro nastavljaju

nih spomenika BiH Faruk Kapidžić, kao i predstavnici nadležnih službi Općine Stari Grad Sarajevo, Komisije i Federalnog ministarstva prostornog uređenja održali su niz sastanaka na ovu temu. Općina je, prema smjernicama Komisije za očuvanje nacionalnih spomenika BiH, pristupila izradi novog projekta za uređenje Trga oslobođenja-Alija Izetbegović, te je postignut dogovor i Komisija za očuvanje nacionalnih spomenika BiH dala je pozitivno mišljenje na projekat. Projekat je upućen Federalnom ministarstvu prostornog uređenja gdje također očekujemo pozitivan ishod. Radovi bi ubrzo trebali biti nastavljeni.

Projekti izgradnje, obnove i razvoja

Inače, projekat se realizuje zahvaljujući pobratimskim odnosima Općine Stari Grad i turske Općine Fatih, a na osnovu dogovora i prijateljske saradnje načelnika ovih općina Ibrahima Hadžibajrića i Mehmeta Ergüna Turana. Općina Fatih finansira radove iznosom od 310.000 KM.

Sanirana i osvijetljena dionica Dariva - Kozija ćuprija

U novembru ove godine je uspješno realizovan zajednički projekat Općine Stari Grad i Gradske uprave Grada Sarajevo - sanacija lokalne saobraćajnice Dariva-Kozija ćuprija, vrijedan 316.116 KM. Projektom je - od mosta na Darivi do Kozije ćuprije na saobraćajnici dugoj 1.600 metara urađena kompletna sanacija sa asfaltiranjem, a saniran je i pristupni put i plato na Darivi. Kompletna dionica, od Bentbaše do Kozije ćuprije pokrivena je modernom LED rasvjetom, a uvođenje na dionici od Darive do Kozije ćuprije realizovano je krajem augusta ove godine. Na dionici od Bentbaše do Darive ova rasvjeta uvedena je još 2018. godine, a šetalište je pokriveno i video nadzorom instaliranim na tri ulaza: na Bentbaši, Darivi (Park prijateljstva) i na Kozijoj ćupriji.

Uređenje korita i obala rijeke Miljacke

Zahvaljujući preventivnom djelovanju i čišćenju korita i obala rijeke Miljacke, na dijelu od bazena Bentbaša do ušća Mošćanice, općina Stari Grad nije imala problema sa izljevanjem Miljacke za vrijeme obilnih padavina početkom novembra ove godine. Radi se o projektu na dionici dugoj oko 1.400 metara koji je nažalost zaustavljen zbog loših vremenskih prilika, ali će biti nastavljen čim se steknu uslovi. Na kompletnom potezu radi se sječenje šiblja i niskog rastinja, trave, okresivanje grana stabala koja se nalaze uz riječno korito, a nakon toga uslijedit će uklanjanje nataloženih materijala i mulja iz korita rijeke. Vrijednost radova na čišćenju korita Miljacke je 67.860 KM. Sredstva u iznosu od 50.000 KM obezbijedena su na osnovu



Novi asfalt na dužini od 1.600 metara

Moderna LED rasvjeta u Ferhadiji

U ulici Ferhadija uvedena je nova pametna javna rasvjeta, bazirana na rasvjetnoj mreži ili baldahinu (lighting grid or canopy) koja osim svjetla sadrži i informacijsko-komunikacijske tehnologije, obješena na sistemu sajli visoko iznad ulice. Novi sistem javne LED rasvjete uveden je na potezu od ulice Titova, kroz Ferhadiju, do ulice Sarači. Vlada Kraljevine Švedske putem UNDP BiH je implementator projekta u saradnji sa Ministarstvom komunalne privrede, infrastrukture, prostornog uređenja, građenja i zaštite okoliša KS koji su zajedno za projekat izdvojili oko 400.000 KM. Općina Stari Grad je osigurala potrebnu dokumentaciju za



Rasvjetna mreža

početak radova na cijeloj trasi, odnosno neophodne saglasnosti kako za radove u ulici Titova - koja pripada Općini Centar, tako i u ulici Ferhadija koja se nalazi u obje općine.



Preventivno uređenje korita i obala

Projekti izgradnje, obnove i razvoja

Sporazuma o sufinansiranju projekata regulacije vodotoka potpisanog između Općine Stari Grad Sarajevo, Ministarstva privrede KS i Zavoda za izgradnju KS. Ostatak potrebnih sredstava u iznosu od 17.860 KM osiguran je iz budžeta Općine Stari Grad za 2021. godinu, namijenjenih za preventivne mjere.

Restoran Dobre volje i Edukacioni centar - Pomozi.ba

U Starom Gradu je otvoren prvi Restoran Dobre volje Udruženja Pomozi.ba koji dnevno nahrani do 250 socijalno ugroženih osoba. Prostorije za rad restorana dodijelila je Općina Stari Grad, na lokaciji Mula Mustafe Bašeskije – preko puta Gradske tržnice. Nakon toga, udruženju su dodijeljene i dodatne prostorije za pokretanje Edukacionog centra za djecu i za odrasle. Centar će nuditi neformalno obrazovanje: informatiku, strane jezike i drugo.

Biblioteka za slijepa i slabovidna lica

Više od 30.000 bibliotečkih jedinica koje čuva Biblioteka za slijepa i slabovidna lica BiH sada su smještene u uslovnijim prostorijama zahvaljujući projektu postavljanja nove stolarije u ovoj ustanovi koja nije bila promijenjena više od 40 godina. Urađen je projekat zamjene kompletne stolarije u prizemlju objekta i galeriji. Nakon demontaže starih drvenih prozora, postavljeno je 16 novih prozora.



Prvi Restoran dobre volje u Starom Gradu




Načelnik Hadžibajrić obišao Biblioteku za slijepa i slabovidna lica

Otvoren prvi Punkt Hitne pomoći na području Općine Stari Grad Sarajevo

Krajem augusta ove godine, u općini Stari Grad otvoren je prvi punkt Hitne medicinske pomoći koji je na raspolaganju građanima 24 sata, a nalazi se u neposrednoj blizini zgrade Općine Stari Grad, te ima osiguran ulaz iz ulice Tekija čikma, kao i iz ulice Obala Kulina bana 24. Punkt je otvoren uz zalaganje općinskog načelnika mr Ibrahima Hadžibajrića kako bi građani imali bržu i efikasniju uslugu, a što se nastojalo postići i u prethodnim godinama. Međutim, nije postojala politička volja. Konačno je punkt otvoren ove godine, a Općina Stari Grad ustupila je za te potrebe svoje poslovne prostorije i finansirala iznosom od 20.000 KM njihovu adaptaciju.



Projekti izgradnje, obnove i razvoja



Potpuno sanirano dvorište jedne od najstarijih obrazovnih institucija

Sanacija dvorišta Gazi Husrev-begove medrese

Dvorište Gazi Husrev-begove medrese, jedne od najstarijih obrazovnih institucija u Evropi osnovane prije 484 godine, u julu je u potpunosti obnovljeno. Ovaj projekt omogućili

s u

„Bez obzira na pandemiju i izazove koje je ona donijela, sanacija stambenih jedinica socijalno ugroženih građana bio je jedan od ključnih projekata prošle i ove godine u Općini Stari Grad Sarajevo. Pomažući građanima koji su bez primanja i u teškoj materijalnoj situaciji da saniraju svoje domove, osigurava im se krov nad glavom i uslovi za život. Za sanacije kuća, stanova, popravke krovova, zamjenu stolarije, 'utopljanje' objekata u kojima žive socijalno ugroženi građani samo prošle i ove godine izdvojeno je oko 300.000 KM“, izjavio je načelnik Hadžibajrić.

Općina Stari Grad i općinski načelnik mr Ibrahim Hadžibajrić koji je u budžetu ove lokalne samouprave u dva navrata planirao namjenska sredstva za radove rekonstrukcije dvorišta, ali i izgradnje spomen-obilježja poginulim imamima za vrijeme agresije na BiH 1992-1995, koje se također nalazi u ovom dvorištu. Projekti rekonstrukcije dvorišta Gazi Husrev-begove medrese i izgradnje spomen obilježja poginulim imamima za vrijeme agresije na BiH 1992-1995, koštali su oko 180.000 KM i u potpunosti su finansirani iz budžeta Općine Stari Grad.

Sanacija stambenih jedinica socijalno ugroženih

Odlukom općinskog načelnika mr Ibrahima Hadžibajrića u 2021. godini pružena je pomoć u sanaciji stambenih jedinica za ukupno 31 socijalno ugroženu porodicu kojima je na ovaj način riješeno jedno od životnih pitanja. Iz budžeta Općine Stari Grad finansirana je sanacija

ja 18 stambenih jedinica na kojima je

radove izveo izabran

izvođač,

dok je još 13 porodica dobilo

građevinski materijal

za neophodne radove na svojim

kućama. Za ove namjene je iz budžeta Općine Stari Grad u 2021. godini izdvojeno 120.000 KM. Rađene su sanacije krovova, zamjena unutarnje i vanjske stolarije, mokrih čvorova, fasada itd osobama koje nisu u mogućnosti sami finansirati ove radove, a kako bi im se obezbijedio krov nad glavom.



Jedna od saniranih kuća



Sa hafizom ef. Malkočem



Podijeljen građevinski materijal

Sanacija ulica i potpornih zidova

Na području općine Stari Grad i ove godine aktivno se nastavila sanacija putne i komunalne infrastrukture, te je u proteklih 12 mjeseci sanirano 14 ulica i 14 potpornih zidova.



Kamenica i Paje malta

Po završetku rekonstrukcije kanalizacione i vodovodne mreže u dijelovima ulica Kamenica i Paje malta izvršeno je njihovo asfaltiranje.



Braće Nuhić

Sanirano je i asfaltirano 190 metara ulice, radovi su koštali 64.700 KM.



Kečina

Saniran je i asfaltiran dio ove ulice, dužine oko 235 metara. Radovi su koštali 78.200 KM.



Makadamski put Ravne Trebević

Saniran je makadamski put Ravne koji vodi prema Planinarskom domu Trebević, kao i 80 metara oštećene ograde oko doma. Radovi su koštali oko 5.000 KM.



Dariva-Hreša

Asfaltirano je 170 metara saobraćajnice na regionalnoj cesti R447 Dariva – Hreša. Projekat je koštao oko 215.000 KM.



Nadmejdan

Skinuta je stara, dotrajala i oštećena kocka na saobraćajnici i trotoarima, te izvršeno asfaltiranje u dužini oko 120 metara, vrijednost radova 50.000 KM.



Sanacija ulica i potpornih zidova



Za beglukom

I u ovoj ulici je skinuta stara i oštećena kocka na saobraćajnici i trotoarima, te izvršeno asfaltiranje u dužini oko 120 metara, vrijednost radova 50.000 KM.



Bjelavica

Sanirano je i asfaltirano 115 metara ulice, projekat je koštao oko 34.500 KM.




Dariva – Kozija ćuprija

Na saobraćajnici - od mosta na Darivi do Kozije ćuprije dugoj 1.600 metara, urađena je kompletna sanacija sa asfaltiranjem i saniran je pristupni put i plato na Darivi. Projekat je koštao 316.116 KM.



Gornje Biosko

Završena je prva faza rekonstrukcije putne komunikacije u naselju Gornje Biosko. Sanirano je oko 200 metara puta, a projekat je koštao oko 20.800 KM.



Hamdije Kreševljakovića

Sanirana je i asfaltirana dionica od Drvenije do raskrsnice prema trolejbuskom stajalištu Trgu Austrije. Ukupna dužina dionice koja se radi je 650 metara, na saobraćajnici Trg Austrije kod trolejbuske okretaljke, nanesen je prvi sloj asfalta, radovi će se nastaviti.

Sanacija ulica i potpornih zidova

Moščanica čikma i Čorbadži dede Mustafage - dio kanalizacione mreže

Na inicijativu predstavnika nekoliko domaćinstava iz ovih ulica, Općina Stari Grad se uključila u rješavanje problema nedostatka dijela kanalizacione mreže tako što je obezbijedila materijal; cijevi za dionicu dužine 250 metara, spojnice, račve, betonske poklopce i ostali neophodni materijal. Građani su se uključili u izvođenje radova, te je tako riješen problem kanalizacionih odvoda za čak 30 domaćinstava ovih ulica, uključujući i džamiju Obhodža.



Općina i građani zajedno realizovali projekat

Sanacija 14 potpornih zidova

Izgrađeno je i sanirano 14 potpornih zidova: Ramića banja broj 19, Josipa Štadlera broj 15, Saburina broj 5, Grličića brdo od broja 61 do broja 65, Hamdije Kreševljakovića broj 98a, Iza bašče broj 10, Jarčedoli broj 40, Krka, Braće Nuhić (četiri zida u sklopu sanacije ulice) i Kamenica (dva zida u sklopu sanacije rekonstrukcije kanalizacione i vodovodne mreže u ulicama Kamenica i Paje malta). Prvih osam zidova koštali su oko 180.000 KM, dok je preostalih šest zidova rađeno u sklopu drugih projekata koji su koštali oko 665.000 KM.



Iza bašče broj 10



Jarčedoli broj 40



Grličića brdo od broja 61 do broja 65




Josipa Štadlera broj 15

Sanacija ulica i potpornih zidova

Sanacija kaldrma

U 2021. godini urađena je sanacija kaldrma u ulicama, Bistrik donja čikma i Save Skarića, te sanacija kaldrmisane lijeve strane trotoara u ulici Kovači-Ploča. Vrijednost svih radova je oko 94.000 KM.

Općina Stari Grad već godinama, putem nadležnih službi, ulaže značajna finansijska sredstva u očuvanje autentičnog izgleda svojih ulica, a kaldrmisana stepeništa i trotoari u mahalama predstavljaju ono po čemu je prepoznatljiv Stari Grad.



Nova kaldrma na Bistriku



Sanirana kaldrma u ulici Save Skarića


Save Skarića - pristupni put na stepeništu

U ulici Save Skarića broj 8, urađen je pristupni put kako bi se olakšao prilaz invalidnoj osobi koja živi u blizini. Projekat je koštao oko 9.000 KM.




Ostali projekti iz oblasti infrastrukture

Prema podacima Službe za investicije i komunalne poslove Općine Stari Grad i ove godine su značajna finansijska sredstva izdvojena za projekte iz oblasti djelovanja ove službe, a tiču se zimskog održavanja, uvođenja nove signalizacije, uređenje javnih površina i slično. Za zimsko održavanje ulica iz budžeta je izdvojeno oko 150.000 KM. Za ugradnju novih ruko hvata, odbojnih ograda, niša, horizontalnu i vertikalnu signalizaciju, numeraciju i slivne rešetke izdvojeno je oko 62.000 KM. Za uređenje Aleje ambasadora, javnih površina i sanaciju šetnica izdvojeno je oko 65.500 KM. Za nabavku kanti za dvolinijski sistem odvoza smeća izdvojeno je 62.500 KM.



Sanirana šetnica i nova LED rasvjeta na Darivi



Podrška vjerskim zajednicama



Značajna finansijska podrška vjerskim institucijama

Podrška vjerskim zajednicama

Više od 100.000 KM u 2021. godini izdvojeno je iz budžeta Općine Stari Grad za podršku vjerskim zajednicama i ustanovama, a najvećim dijelom je finansirana njihova obnova i gradnja.

Obnova fasade Vrhbosanskog bogoslovnog sjemeništa

Izdvojeno je 42.000 konvertibilnih maraka za sufinansiranje sanacije zapadnog dijela fasade Vrhbosanskog bogoslovnog sjemeništa. Objekat na kojem se izvode radovi proglašen je nacionalnim spomenikom BiH, te se podrškom ovaj rekonstrukciji nastavlja i zaštita kulturno-historijskih spomenika u najstarijoj općini.




Sanirana zapadna strana fasade

Podrška vjerskim zajednicama

Sanacija stepeništa za zvonik Crkve Svetog Ante na Bistriku

Finansirana je sanacija stepeništa koje vodi do zvonika Crkve Svetog Ante na Bistriku u ulici Franjevačka. Ovo su prvi radovi ikad na crkvenom zvoniku, koji je dovršen 1913. godine, a od tada se na njemu ništa nije radilo. Iz budžeta Općine Stari Grad izdvojeno je 30.000 konvertibilnih maraka.



Gvardijan crkve i samostana fra Stipan Radić: Prvi put sanirano stepenište



Mezarje Kovači

Dugogodišnja podrška radu Fonda Memorijala KS

Općina Stari Grad svake godine izdvaja finansijska sredstva za nesmetan rad i funkcionisanje Javne ustanove Fond Memorijala Kantona Sarajevo. Od 2009. godine do danas ta podrška iznosi više od pola miliona maraka, a u ovogodišnjem budžetu izdvojena su sredstva u iznosu od 25.000 KM. Sredstva koja izdvaja Općina Stari Grad usmjeravaju se u sanaciju i održavanje mezarja.

Sufinansiranje sanacije fasade Lubine džamije

Lubina džamija, jedna od najstarijih u Sarajevu, pretrpjela je velike štete i devastaciju tokom agresije na našu zemlju, a potpuno je renovirana 1997. godine. Međutim, od tada je prošlo dosta vremena te su na džamiji nastupila nova oštećenja. Polovinom prošle godine počeli su veći radovi na renoviranju i adaptaciji, a projekat obuhvata unutarne i vanjske radove. Općina Stari Grad je izdvojila 4.000 konvertibilnih maraka za sanaciju opadanja dijelova fasade, pucanja unutarnjih zidova, a riješen je i problem vlage.



Lubina džamija u Sarajevu

Podrška samozapošljavanju, poljoprivrednicima, osobama treće životne dobi...

Podrška samozapošljavanju, poljoprivrednicima, osobama treće životne dobi...

Devet mladih dobilo poticaje

U vremenu kada veliki broj mladih ljudi odlučuje da napusti našu zemlju u potrazi za boljim životom, od velikog je značaja pružiti im podršku i finansijski poticaj da svoje poslovne ideje razvijaju ovdje, u svojim matičnim općinama i svojoj domovini.

U ovoj godini dali smo šansu da devet mladih ljudi pokrene svoje poslovne planove. U augustu ove godine načelnik Hadžibajrić potpisao je ugovore sa novim korisnicima, a ukupno je za njihove poslovne ideje izdvojeno 65.000 KM. Evo ko su oni:



Senad Džindić - Studio za trening, rehabilitaciju i psihološku podršku



Sanja Kulenović - Studio za grafički i industrijski dizajn



Fatima Fazlović - Proizvodnja i prodaja bosanskih slastica



Aida Alihodžić - Računovodstvene, knjigovodstvene i revizijske djelatnosti



Vedad Hrković - Održavanje i pranje vozila



Amina Maglajlija - Proizvodnja i prodaja svećanih i unikatnih haljina



Andrea Mirković - Proizvodnja i prodaja zdravih sokova



Šahin Kapo - Izrada fotografija na kanvas platnu



Fata Musić - Izrada i prodaja suvenira

Podrška samozapošljavanju, poljoprivrednicima, osobama treće životne dobi...

Dodijeljeno 15 plastenika po javnom pozivu

Zahvaljujući podršci svoje lokalne zajednice još 15 stanovnika Starog Grada ove godine počelo se baviti plateničkom proizvodnjom za što su im osigurani platenici, prateća oprema i sadni materijal. Za 15 plastenika i sadni materijal koji je podijeljen ove godine, novim i starim korisnicima, iz budžeta je izdvojeno skoro 45.000 KM. Osim toga, poljoprivrednicima koji su aplicirali za sjemenski materijal podijeljeno je 800 kg sjemenskog krompira i 70 kg sjemenskog crnog luka. S ciljem razvoja plateničke proizvodnje i podrške poljoprivrednicima u Starom Gradu je u posljednjih 13 godina podijeljeno više od 220 plastenika, a za te namjene je izdvojeno skoro pola miliona konvertibilnih maraka.



Platenici za više od dvadeset porodica



Načelnik u obilasku korisnika



Sa Asijom Kamber

Općina i NVO „ASB“ dodijelili još šest plastenika

Građanima općine Stari Grad Sarajevo, koji su se odlučili za bavljenje plateničkom proizvodnjom, u oktobru je dodijeljeno još šest plastenika, čime se ukupni broj korisnika u ovoj godini popeo na 21. Ovih šest plastenika je dio projekta „Socijalno-ekonomska podrška izuzetno ranjivim porodicama i lokalnim pružaocima socijalnih usluga u 16 zajednica u Bosni i Hercegovini“ realizovanog u saradnji sa NVO Arbeiter Samariter Bund (ASB). Projekat većinski finansira Ministarstvo vanjskih poslova Njemačke, dok je Općina Stari Grad osigurala 30% potrebnih sredstava za nabavku, a realizacija se provodila putem Službe za lokalni razvoj i poslove mjesnih zajednica.



Šest korisnika dobilo platenike

Podrška samozapošljavanju, poljoprivrednicima, osobama treće životne dobi...

Podsticaj za 15 pčelara iz Starog Grada

Odlukom općinskog načelnika ove godine je 15 pčelara iz općine Stari Grad dobilo podsticaje. Inače, projekat se realizuje putem Službe za privredu, a da bi dobili pomoć Općine Stari Grad pčelari su morali ispuniti određene uslove: da imaju mjesto prebivališta i zemljište na području ove općine, kao i uslove potrebne za pčele - da poljoprivredno gazdinstvo koje se bavi ili koje tek počinje sa pčelarenjem ima voćnjak potreban za prinos meda i vodu za pčele, da košnice sa pčelinjim društvima nisu u blizini glavne saobraćajnice i drugo. U posljednjih osam godina skoro 300 građana dobilo je neku vrstu poticaja: pčele, košnice, opremu ili finansijska sredstva za nabavku istih.



Značajna podrška za pčelare

"Prije nešto više od četiri godine rodila se ideja o osnivanju ovog Centra, ali sama ideja nije dovoljna i važno je ono što nosite u srcu i iskrena želja da to uspije. Mi smo željeli da ovaj Centar uspije i sada vidimo rezultate toga. Prvo smo našli adekvatne prostorije i adaptirali ih, a onda smo finansirali i projekte Centra kojim uspješno koordinira Udruženje 'Generacija'. Centar ima svoj zdravstveni program, koji je po trendu Svjetske zdravstvene organizacije i koji uključuje svakodnevne terapijske vježbe, individualne vježbe, medicinsko savjetovalište, psihosocijalne radionice, zdravstvene izlete i još mnogo toga,"
izjavio je načelnik Hadžibajrić.

Podrška Centru za promociju i unapređenje zdravlja

U junu ove godine, uz zdravstvene vježbe, medicinsko savjetovalište, likovne radionice za najmlađe i najstarije, podjelu brojnih poklona i proglašenje najstarijih i najaktivnijih članova, Centar za promociju i unapređenje zdravlja Općine Stari Grad obilježio je svoju četvrtu godišnjicu uspješnog djelovanja. Centar je zdravstveni servis građana svih generacijskih grupa u okviru kojeg se provode različite

zdravstvene i edukativne aktivnosti, a posebna pažnja posvećena je osobama treće životne dobi sa kojima radi tim zdravstvenih profesionalaca. Jedinstven je po tome što pri-

ma korisnike iz cijelog Kantona Sarajevo i ima ukupno 732 člana. Za djelovanje Centra za promociju i unapređenje zdravlja općine Stari Grad ove godine izdvojeno je 35.000 KM.



Zahvalnica za općinskog načelnika Ibrahima Hadžibajrića



Centar ima 732 člana



Sa najstarijim korisnicima



Stipendiranje učenika i studenata

Općina Stari Grad je u školskoj 2020/2021. godini stipendirala ukupno 346 učenika i studenata, a iznos koji je za te namjene izdvojen iz budžeta je 312.000 KM. Služba za boračko-invalidsku i socijalnu zaštitu provela je javni konkurs za stipendiranje djece šehida - poginulih boraca, ratnih vojnih invalida i demobilisanih boraca u školskoj 2020/2021., a pravo na stipendiranje ostvarila su 222 korisnika stipendija iz navedenih kategorija.

Stipendije za nadarene učenike i studente dobilo je 119 korisnika, a za te namjene izdvojeno je 106.000 KM. I pored smanjenog priliva sredstava u općinski budžet, odlukom općinskog načelnika Ibrahima Hadžibajrića, stipendije su ostale na istom nivou kao i prethodnih godina i nisu dovedene u pitanje. Štaviše, svi nadareni učenici i studenti koji su aplicirali i ispunili uslove, dobili su stipendije, pa je osigurano i dodatnih 6.500 KM.

Podijeljene su i stipendije učenicima iz Starog Grada koji su se odlučili za deficitarna zanimanja kao što su: keramičar, podopolagač, tapetar, mesar itd. Stipendirano je 7 učenika. Ovi učenici dobili su stipendije kako bi im se pomoglo u školovanju, ali istovremeno podstaklo i druge mlade ljude da se bave zanatima, posebno starim, tradicionalnim.

Nagrade za najuspješnije studente iz Starog Grada

Općina Stari Grad i ove godine je nastavila sa lijepom praksom, a to je da novčano nagradi i javno pohvali studente iz Starog Grada koji su dobili najviša priznanja Univerziteta u Sarajevu – zlatne i srebrene značke, za izuzetne rezultate i vrlo visok prosjek ocjena za vrijeme prvog ili drugog ciklusa studija. Diplome i novčane nagrade ove godine je dobilo 10 studenata:

Ena Muhić (Pravni fakultet, prosjek ocjena 9,53 – Zlatna značka), Nejra Memedi (Filozofski fakultet, prosjek ocjena 9,94 – Zlatna značka) Amna Pezo (Fakultet zdravstvenih studija, prosjek ocjena 9,38 – Srebrna značka), Dženana Tatlić (Šumarski fakultet, prosjek ocjena 9,34 - Srebrna značka), Kamber Kamberi (Fakultet islamskih nauka, prosjek ocjena 9,31 - Srebrna značka), Aida Adžović (Muzička akademija, prosjek ocjena 9,20 - Srebrna značka), Anes Gugić (Fakultet političkih nauka, prosjek ocjena 9,17 - Srebrna značka), Lamija Vrnjak (Elektrotehnički fakultet, prosjek ocjena 9,16 - Srebrna značka), Nejra Hadžić (Pedagoški fakultet, prosjek ocjena 9,16 - Srebrna značka), Amina Kadrić (Medicinski fakultet, prosjek ocjena 9,02 - Srebrna značka).



Priznanje za Enu Muhić



Deset studenata nagrađeno za uspjeh

Redovan i besplatan školski prevoz za osnovce

Učenike starogradskih osnovnih škola koji stanuju na većoj udaljenosti od škola i nemaju redovne linije javnog gradskog prevoza, od početka školske godine u njihove učionice vozili su školski autobusi koje su obezbijedili Općina Stari Grad i Ministarstvo saobraćaja Kantona Sarajevo. Ukupno 280 učenika iz osnovnih škola "Vrhbosna" (67 učenika), "Mula Mustafa Bašeskija" (78 učenika), "Šejh Muhamed ef. Hadžijamaković" (83 učenika) i „Saburina“ (52 učenika) imali su obezbijeđen prevoz.



Siguran prevoz do škole

Briga za socijalno ugrožene kategorije

Putem Službe za boračko-invalidsku i socijalnu zaštitu iz Budžeta za 2021. godine za period od 01.01.2021. godine do 30.11.2021. godine za jednokratne novčane pomoći za lica u stanju socijalne potrebe, izdvojeno je 83.350 KM, a pomoć je dobilo 589 osoba.

Što se tiče lica oboljelih od teških ili težih oboljenja (onkološki pacijenti, teški oblik dijabetesa, leukemija, bolesti pluća praćene trajnim oštećenjima, plućna embolija, autizam, srčani i moždani udar i sl.), te za nastavak liječenja u inostranstvu, u pomenutom periodu je podneseno 198 zahtjeva za liječenje istih i isplaćen iznos od 62.100 KM.

Ove godine je za 17 bračnih parova



Pomoć za stare i ugrožene

koji su se obratili za pomoć Općinskom načelniku za sufinansiranje troškova vanjske oplodnje isplaćen iznos od 21.000 KM.

Odlukom o vidovima socijalne zaštite koji se finansiraju iz Budžeta Općine Stari Grad Sarajevo kao vid pomoći stanovništvu predviđena je i isplata sredstava za nabavku

ogrijeva te je za 67 podnosilaca zahtjeva isplaćen iznos od 18.400 KM.

Za pomoć u liječenju od bolesti celijakija, za koje je planiran grant u općinskom budžetu, obratilo se 25 lica kojima je isplaćeno oko 6.200 KM. U istom periodu je za pomoć u liječenju paraplegičarima isplaćeno oko 6.600 KM.

Čestitke za porodilje

Ni u ovoj godini nisu izostale tzv. čestitke za porodilje. Isplaćena su sredstva u iznosu od 84.150 KM za 258 porodilja, sa prebivalištem na području općine Stari Grad Sarajevo. Ove godine se desio i jedan kuriozitet. U ponedjeljak, 04. oktobra, u 12:19 sati, jedinstveni dispečerski centar Hitne pomoći (124) primio je poziv da se žena porađa u automobilu koji je zaustavljen na tramvajskoj stanici kod Katedrale. Za rekordne dvije minute dežurna medicinska ekipa iz punkta Hitne pomoći Stari Grad, predvođena dr. Kemalom Kadrićem, stigla je na lice mjesta. Po njihovom dolasku žena se već porodila u automobilu, presijekli su pupčanu vrpцу i odmah zbrinuli majku i njeno zdravo žensko dijete otpremivši ih u bolnicu. Općinski načelnik mr Ibrahim Hadžibajrić uputio je mladoj majci poklone i čestitku.



Saradnici općinskog načelnika posjetili porodilju

Općinsko vijeće Stari Grad Sarajevo

Općinsko vijeće Stari Grad Sarajevo, od decembra, 2020. do početka decembra, 2021. godine održalo je konstituirajuću i 10 redovnih sjednica. Donosimo kratak pregled po sjednicama:

Konstituirajuća sjednica Općinskog vijeća

Konstituirajuća sjednica Općinskog vijeća Stari Grad Sarajevo održana je 29. decembra, 2020. godine. Općinsko vijeće Stari Grad u četverogodišnjem mandatu čini 31 vijećnik iz devet političkih partija. Za predsjedavajućeg Općinskog vijeća izabran je dr. sc. Mirza Batalović (NES), a za zamjenike predsjedavajućeg izabrani su Malik Garibija (SDP), i Damir Saračević (NiP). Vijećnici su na konstituirajućoj sjednici usvojili Nacrt budžeta za 2021. godinu u iznosu od 24,485.000 konvertibilnih maraka.

Prva redovna sjednica Općinskog vijeća

Jednoglasno je prihvaćen prijedlog općinskog načelnika mr Ibrahima Hadžibajrića o umanjenu zakupnina svim zanatlijama i obrtnicima koji djeluju u poslovnim prostorima u vlasništvu Općine Stari Grad s ciljem ublažavanja posljedica pandemije korona



Vijećnici Općinskog vijeća sa KUD "Bašaršija"

virusa. Ova odluka obuhvatila je kategorije koje su ponajviše ugrožene, a to su stari zanati. Odlukom je predviđeno

„I ovaj mandat posvetit ću građanima, odnosno realizaciji projekata na terenu koji će biti namijenjeni isključivo unaprjeđenju kvalitete i standarda življenja svih građana na području općine Stari Grad. Vjerujem da, u saradnji sa Općinskim vijećem, možemo napraviti izvanredne rezultate i da ćemo zajedničkim radom i poštivanjem naših građanima i realizacije projekata koji su od iznimnog značaja za stanovništvo ove jedinice lokalne samouprave“, izjavio je načelnik Hadžibajrić.

da im se zakupnine umanje za 95% u periodu od 01.01-01.08.2021. godine. Usvojen je i prijedlog Odluke o usva-

janju i provođenju izmjena i dopuna RP „Gazijin Han“, te prijedlog Odluke o usvajanju i provođenju izmjena i dopuna RP „Alifakovac – Babića bašča“.

Druga redovna sjednica Općinskog vijeća

Općinsko vijeće Stari Grad je na drugoj redovnoj sjednici usvojilo prijedlog budžeta Općine Stari Grad za 2021. godinu u iznosu od 24.527.060 KM. Na sjednici su usvojeni i prijedlog Odluke o izvršenju budžeta za 2021. godinu, Izvještaj o realizaciji budžeta od 01.01. do 30.09.2020. godine, kao i prijedlog Odluke investiranja raspoloživih sredstava Općine Stari Grad za 2021. godinu i prijedlog Odluke o imenovanju investicionog menadžera Općine za 2021. godinu.

Treća redovna sjednica Općinskog vijeća

Vijećnici su na trećoj sjednici Općinskog vijeća prihvatili prijedloge akata iz oblasti privrede od kojih su najznačajniji akti kojima se dodjeljuju u zakup poslovni prostori za otvaranje punkta Hitne pomoći u Starom Gradu u ulici Tekija čikma, dodjela dodatnih prostorija Udruženju Pomozi.ba u ulici Mula Mustafe Bašeskije 9, kao i dodjela prostorija Udruženju Taxi 8 na Kovačima koje posjeduje specijalizirana taxi vozila za os-



Sa konstituirajuće sjednice Općinskog vijeća

obe s invaliditetom. Usvojen je Izvještaj o realizaciji budžeta Općine Stari Grad za period od 01.01. do 31.12.2020. godine, kao i prijedlog Odluke o usvajanju finansijskih izvještaja – završnog obračuna za 2020. godinu kao i Izvještaj o radu Pravobranilaštva Općine Stari Grad za period od 01.01. do 31.12.2020. godine.

Četvrta redovna sjednica Općinskog vijeća

Na četvrtoj redovnoj sjednici Općinsko vijeće Stari Grad prihvatilo je prijedlog općinskog načelnika o umanjenu zakupnina zakupcima općinskih poslovnih prostora za 30% za period od 01.04. do 30.06.2021. godine. Usvojena je i odluka o oslobađanju korisnika javnih površina od obaveze plaćanja zakupnine za period od 20.03. do 03.04. 2021. godine kada je u gostiteljskim objektima bio zabranjen rad s ciljem zaustavljanja širenja virusa Covid 19. Usvojene su i odluke kojima je utvrđena visina naknada za pogodnosti gradskog građevinskog zemljišta – rente, te za građevinsko, poljoprivredno i gradsko građevinsko zemljište na području općine Stari Grad.

Peta redovna sjednica Općinskog vijeća

Na petoj sjednici Općinskog vijeća usvojena je odluka o raspodjeli budžetskih sredstava za finansiranje rada boračkih udruženja za 2021. godinu, prema kojoj će se za redovan rad šest boračkih udruženja iz Starog Grada iz budžeta izdvojiti 60.000 KM. Općinsko vijeće je na prijedlog općinskog načelnika usvojilo i zaključak o pristupanju i izradi nacrtu novog Statuta Općine Stari Grad Sarajevo.

Šesta redovna sjednica Općinskog vijeća

Na šestoj sjednici Općinskog vijeća većinom glasova usvojen je i Prijedlog Odluke o izmjenama i dopunama Budžeta

Općine Stari Grad Sarajevo za 2021. godinu. Izvršena je djelimična preraspodjela pojedinih pozicija, odnosno prestrukturiranje već postojećeg budžeta uz mali broj promjena. U rebalansu budžeta tekući prihodi su smanjeni za 3% dok je kapitalni dio budžeta povećan za 10%. Cjelokupni budžet orijentisan je na kapitalni dio i projekte kako bi se zadovoljile potrebe građana i stvorili povoljniji uslovi za život i poslovanje na području općine Stari Grad.



Usvojene brojne odluke

Sedma redovna sjednica Općinskog vijeća

Na sedmoj sjednici Općinskog vijeća Stari Grad Sarajevo usvojen je Prijedlog odluke o prokopavanju saobraćajnica čiji je upravitelj Općina Stari Grad Sarajevo. Osim toga, usvojen je i Izvještaj o realizaciji Budžeta Općine Stari Grad za period 01.01-30.06.2021. godine, te Prijedlog o izmjenama i dopunama Pravilnika o stipendiranju nadarenih učenika i studenata.

Osma redovna sjednica Općinskog vijeća

Na osmoj redovnoj sjednici Općinskog vijeća Stari Grad usvojen je prijedlog Pravilnika o stipendiranju djece boračke populacije s ciljem usklađivanja važećeg pravilnika sa Zakonom o dopunskim pitanjima boraca – branitelja BiH, koji je stupio na snagu u aprilu ove godine. Na kraju sjednice iznesena je inicijativa da se stave van

snage odluke o proglašenjima Trebevića i Bentbaše zaštićenim pejzažima imajući u vidu da od donošenja ovih odluka nije bilo nikakvih ulaganja u ova područja, osim onih koje je investirala Općina Stari Grad.

Deveta redovna sjednica Općinskog vijeća

Općinsko vijeće Stari Grad Sarajevo je na devetoj redovnoj sjednici usvojilo Nacrt Budžeta Općine Stari Grad Sarajevo za 2022. godinu u iznosu od 17.656.000 miliona KM. Vijećnicima je na sjednici predočena i informacija o dugovanjima zakupaca poslovnih prostora nad kojima pravo raspolaganja ima Općina Stari Grad Sarajevo. Nadležna Služba za privredu kontinuirano vrši kontrolu korištenja poslovnih prostora, kao i kontrolu naplate što je dovelo do toga da u ovom trenutku nema većih dugovanja prema Općini Stari Grad. To je rezultat velikog rada i napora koje ulaže nadležna služba, ali prvenstveno rezultat inicijative koju je prije šest godina podnio općinski načelnik mr Ibrahim Hadžibajrić za izmjenu zakona koji reguliše ovu oblast.

Deseta redovna sjednica Općinskog vijeća

Općinski načelnik mr Ibrahim Hadžibajrić predložio je na desetoj redovnoj sjednici Program rada za 2022. godinu koji su vijećnici jednoglasno podržali. Principi djelovanja i rada općinskog načelnika i u narednoj godini temeljit će se na poslovima i projektima iz djelokruga lokalne samouprave. Fokus će i dalje biti na osiguravanju kvalitetnih uslova života za građane na svim poljima djelovanja, prvenstveno u oblasti infrastrukture, gradnje i obnove. Općinsko vijeće usvojilo je i rebalans budžeta Općine Stari Grad za 2021. godinu koji se u najvećoj mjeri odnosio na prestrukturiranje prihoda i rashoda, te uključivanje grant sredstava Vlade FBiH usmjerenih za pomoć budžetu i projekte rekonstrukcije kanalizacione mreže na Alifakovcu i Trebeviću u ukupnom iznosu od 325.000 KM.



Rukovodstvo Općinskog vijeća Stari Grad Sarajevo



Vijeće održalo 10 sjednica

Podrška projektima i institucijama

Za obnovu prostorija Opće bolnice izdvojeno 11.000 KM

Općinski načelnik mr Ibrahim Hadžibajrić i direktor JU Opća bolnica "Prim. dr. Abdulah Nakaš" prof. dr. Ismet Gavrankapetanović potpisali su ugovor o namjenskom grantu na osnovu kojeg se iz budžeta Općine Stari Grad izdvojilo 11.000 KM za ovu ustanovu. Sredstva su usmjerena za renoviranje i opremanje prostorija predviđenih za svakodnevne sastanke i obavljanje dijela

administrativnih poslova vezanih za liječenje pacijenata Odjeljenja za internu medicinu. U julu 2020. godine, u jeku pandemije korona virusa načelnik Ibrahim Hadžibajrić također je posjetio Opću bolnicu „Prim dr Abdulah Nakaš“ i uručio prof dr Gavrankapetanoviću, direktoru ove ustanove, odluku o dodjeli novčanih sredstava u iznosu od 11.000 KM za borbu protiv korona virusa.



Načelnik Hadžibajrić i direktor JU Opće bolnice prof. dr. Ismet Gavrankapetanović

Redovna podrška Roditeljskoj kući u Sarajevu

Općinski načelnik mr Ibrahim Hadžibajrić i predsjednik Udruženja "Srce za djecu oboljelu od raka" Fikret Kubat potpisali su početkom marta ugovor o podršci radu Roditeljske kuće u Sarajevu, uvećan na 15.000 KM za ovu godinu. Podrška Udruženju "Srce za djecu oboljelu od raka" i Roditeljskoj kući traje od 2016. godine. a ove godine je ona bila viša nego ikad. Naime, zbog otkazivanja novogodišnjeg dočeka u Sarajevu, općinski načelnik Hadžibajrić preusmjerio je sredstva za te namjene, u iznosu od 10.000 KM, za pomoć Roditeljskoj kući. Ugovor o usmjeravanju sredstava potpisan je 15. decembra. Kroz budžet Općine Stari Grad za podršku radu Roditeljske kuće dosad su izdvojena sredstva u iznosu višem od 50.000 KM.



Podrška načelnika Udruženju "Srce za djecu oboljelu od raka"

"Ime jednog roditelja" umjesto "Ime oca" na svim formularima u Općini Stari Grad

Svi formulari u Općini Stari Grad promijenjeni su tako što je izbrisana formulacija „Ime oca“, a umjesto nje uneseno „Ime jednog roditelja“. Općina Stari Grad prva je jedinica lokalne samouprave u FBiH koja je izvršila korekciju svih formulara i obrazaca za korisnike. Općinski načelnik mr Ibrahim Hadžibajrić je prihvatio inicijativu Udruženja "Zaboravljena djeca rata" s ciljem zaustavljanja diskriminacije nad djecom rođenom usljed posljedica ratnog silovanja. Inicijativa "Ime jednog roditelja" zalaže se da se na nivou cijele FBiH omogući jednolikost zvanične dokumentacije koju koriste svi građani FBiH, a koji će biti u skladu sa deklaracijom o ljudskim pravima, međunarodnim i domaćim zakonima.



Načelnik Hadžibajrić sa Hanom Jusić

SFF u Starom Gradu: Ljetno kino na Višenamjenskom trgu

Načelnik Općine Stari Grad Ibrahim Hadžibajrić i direktor Sarajevo Film Festivala Mirsad Purivatra u augustu tekuće godine potpisali su ugovor o saradnji na realizaciji projekta Ljetno kino Stari Grad, te je Općina Stari Grad dobila svoju prvu zvaničnu festivalsku lokaciju na višenamjenskom trgu prekoputa Vijećnice. Ljetno kino Stari Grad u okviru SFF-a, održano je od 13. do 20. augusta ove godine, a posjetile su ga stotine građana i ljubitelja filma. Ljetno kino Stari Grad ugostilo je oskarovca i dobitnika Počasnog Srca Sarajeva reditelja Wima Wendersa, zatim oskarovca Danisa Tanovića, rediteljku Jasmilu Žbanić, glumca Izudina Bajrovića, glumicu i predsjednicu žirija Takmičarskog programa SFF-a Jasnu Đuričić, reditelja i glumca Dragana Bjelogrića, muzičara i kompozitora Željka Joksimovića, folk divu Hanku Paldum i mnoge druge.



Hadžibajrić i Purivatra potpisali ugovor



Veliki broj posjetilaca



Ljetno kino Stari Grad

Predstavljali smo privrednike koji djeluju na području Starog Grada

U svakom ovogodišnjem broju "Starogradskih habera" kao i na općinskoj web stranici davali smo prostor za predstavljanje uspješnim privrednicima iz naše općine. Objavom na našim platformama za komunikaciju dali smo mogućnost našim privrednicima da se za njih čuje i učinili ih vidljivijim u medijskom prostoru.

Paja taxi, firma sa Širokače sa poslovnim iskustvom od 17 godina

Firma „Paja taxi“ posluje već 17. godina i danas broji više od 40 uposlenih. Sa sjedištem na Širokači, u ulici Brajkovac, ova firma postala je jedan od prepoznatljivih brendova, a građanima su na raspolaganju 24 sata dnevno, svih 365 dana u godini. Vozila Paja taxi-ja godišnje prelaze više od 2.200.000 kilometara, vozeći kroz najfrekventnije zone glavnog grada Bosne i Hercegovine. Bez obzira što im je sjedište u Starom Gradu vozila „Paja taxi“ podjednako se mogu vidjeti i u ostalim dijelovima grada od aerodroma do planina koje okružuju grad Sarajevo. Pored osnovne usluge taxi prevoza, u sklopu firme Paja d.o.o. nalazi se i kompletan servis, autopraonica i dispečer centar. Njihova vozila dnevno prevezu više od 900 putnika na području Sarajeva. Njihov slogan je „Brzo i sigurno do vaše adrese“, a u svako doba dana građani ih mogu dobiti putem broja 1522.



Paja taxi sa Širokače posluje 17 godina

postao je među najslušanijima i danas se bez imalo zadržke može nazvati jednom od najslušanijih radio stanica u Kantonu Sarajevo. Uz zanimljive goste i emisije namijenjene aktuelnim dešavanjima i temama, program Radija 8 je ispunjen kvalitetnom i raznovrsnom muzikom, te osvježava i uljepšava svaki dan!

Radio 8
FM 106,8 MHz

Radio 8 Sarajevo - snažan medijski brend

U jednoj od najstarijih starogradskih mahala, na Vratniku, prije skoro 13 godina osnovan je Radio 8, mala privatna radio stanica koju čini tim entuzijasta zaljubljenih u radijske talase koji se nesebično daju za kvalitet sadržaja i produkciju programa na zadovoljstvo njihovih slušatelja. Vrlo brzo ovaj radio



Radio 8 se smjestio na Vratniku

Predstavljamo privrednike

Svjetski poznati dizajnerski studio Kaftan

U Starom Gradu, na adresi Mula Mustafe Bašeskije 29 otvoren je moderni dizajnerski studio i radionica svjetski poznatog studija Kaftan koji dugi niz godina uspješno posluje u ovoj općini. Vlasnice i osnivačice brenda Kaftan - Nermina Hodžić i Emina Hodžić Adilović svoje poslovne ideje počele su razvijati iz malog općinskog prostora u ulici Petrakijina. Od tada je prošlo 12 godina, a njih dvije su razvile svjetski poznati brend, te Općini Stari Grad, ali i cijelom Sarajevu i Bosni i Hercegovini donijele zapažene internacionalne rezultate na polju modnog dizajna. Njihove kreacije našle su se na prestižnim svjetskim događajima i medijima kao što su: ceremonija dodjele Oscara, Zlatnog globusa, nagrade Emmys, Sarajevo Film Festivala,



Studio Kaftan u Mula Mustafe Bašeskije

je ponovo posjetio 2004. godine, a dvije godine nakon toga počeo je razvijati vlastiti biznis. Odlučio je svoje poslovanje vezati za Stari Grad i

“Obračali smo se svim općinama sa namjerom da dobijemo poslovni prostor. Ali, načelnik Ibrahim Hadžibajrić je bio jedini koji nas je primio i saslušao. Tada nam je kazao da ništa u životu ne može se dobiti džaba i da se moramo boriti. Ponudio nam je poslovni prostor uz uslov da opstanemo svojim radom ili ćemo ga u suprotnom izgubiti. Takve riječi bile su pokretač da se dodatno borimo za svoje ciljeve. Ovdje želimo praviti izložbe iz Srbije, Hrvatske, Slovenije, da pravimo tu jednu lijepu regionalnu priču. Za vrijeme Sarajevo Film Festivala želimo da naš grad pruža platformu za izložbe i promocije i nekih drugih umjetnosti, ne samo filma. A mi imamo i kapacitete i fantastične kreativce,” izjavila je Emina Hodžić Adilović.

snimanju za magazin Variety gdje je njihov dizajn nosila muzička legenda Chaka Khan, modnim editorijalima dva svjetski poznata modna magazina - Harper's Bazaara i arapskog izdanja Elle magazina i mnogih drugih.

Indijac Asim Kahn u Stari Grad doveo brend Hidesign

Indijac Asim Khan uspješno upravlja jednim od najreprezentativnijih objekata u našem gradu koji se bavi prodajom ručno rađenih kožnih torbi i asesoara od prirodnih, održivih materijala – Hidesign d.o.o. Prvi put je posjetio Sarajevo 2003. godine kada se zaljubio u naš grad i ljude. Studirao je ekonomiju u Londonu, te se odlučio posvetiti trgovini baš u Sarajevu. Sarajevo



Hidesign - ručno rađene torbe



Brend svjetski priznat

poziv za poslovni objekat u ulici Zele-nih beretki gdje je sada radnja Hidesign. Nakon uređenja i obnove prostorija koje su trajale četiri mjeseca, 2018. godine počinje sa radom Hidesign d.o.o. Ženske torbe neobičnog dizajna, drugačije od svega onog što se nudi u Evropi i Americi, napravljene od teleće, jagnjeće, kozije, jelenje ili čak nojeve kože, postale su tako dio svakodnevnice naših građana.

Podrška sportistima

Podrška talentovanim mladim ljudima i sportskim kolektivima

Nova puška za državnu rekorderku Almedinu Arnautović

Almedina Arnautović, članica Streljačko-streličarskog kluba „Željezničar“ državna je rekorderka u gađanju vazdušnom puškom na deset metara u kategoriji seniorki. Za brojna takmičenja na koja je išla, Almedina je koristila opremu koja nije zadovoljavala ni minimum uslova za ulazak na međunarodnu scenu gdje se ne dozvoljava nastup sa puškom starijom od deset godina. Puška koju je koristila naša državna rekorderka stara je 19 godina. Saznavši za ove probleme, općinski načelnik mr Ibrahim Hadžibajrić naložio je hitnu kupovinu nove puške koja je ovoj rekorderki zvanično uručena u oktobru ove godine.



Načelnik sa Almedinom Arnautović

Nagrade za stonotenisere Enru Subašić i Arona Kanlića

Enri Subašić i Aronu Kanliću, uspješnim stonoteniserima, članovima Stonoteniškog kluba SPIN 2012, koji su svojim odličnim nastupima osigurali mjesto u Stonoteniškoj reprezentaciji BiH i međunarodnim takmičenjima načelnik Hadžibajrić uručio je zahvalnice i novčane nagrade, a Općina je finansijski podržala njihov odlazak na Evropsko prvenstvo u Varaždin.



Uspješni stonoteniseri

Podrška za reprezentativca u alpskom skijanju Dinu Terzića

Dino Terzić, 21-ogodišnji mladi momak sa Bistrika, koji je prvi put stao na skije kada je imao svega godinu dana, danas je reprezentativac Bosne i Hercegovine u alpskom skijanju i niže uspjeh za uspjehom. On je još jedan u nizu mladih ljudi koji je dobio podršku općinskog načelnika mr Ibrahima Hadžibajrića na svom putu do cilja. Na državnom prvenstvu Ujedinjenih Arapskih Emirata Dino je osvojio zlatnu medalju u disciplini slalom. Osim zlatne medalje, Terzić se u Dubaiu okitio i sa srebrenom, te bronzanom, tačnije osvojio je prvo, drugo, treće i četvrto mjesto u različitim utrkama. Odlukom općinskog načelnika mr Ibrahima Hadžibajrića, Općina Stari Grad u potpunosti je finansirala troškove odlaska na ovo takmičenje.



Mladi skijaš sa Bistrika Dino Terzić



Prijem za KK "Ippon"



Fatih Žgalj dobio zahvalnicu



Načelnik i kadet Herak

Hajrudin Herak uspješni kadet Tur- ske vojne akademije

Kao lokalna zajednica ponosni smo na svaki uspjeh mladih ljudi koji su rođeni, odrasli i školovali se upravo ovdje, u Starom Gradu. Posebno se ponosimo onima koji su u životu postavili visoke ciljeve i odlučili da ih po svaku cijenu ostvare, pa makar to značilo i da će na neko vrijeme napustiti ovu zemlju i obrazovati se daleko u svijetu. Upravo takav je i dvadesetogodišnji Hajrudin Herak, mladi momak sa Bistrika, jedini Sarajlija koji je prije dvije godine uspješno položio sve potrebne testove i ispunio uslove za prijem na Tursku vojnu akademiju. Načelnik Hadžibajrić je primio Hajrudina i čestitao mu na njegovom uspjehu i zalaganju, te istakao da se lokalna zajednica ponosi

ovakvim mladim ljudima koji su možda i najbolji ambasadori i predstavnici Starog Grada u svijetu..

Priznanje za Fatihu Žgalja

Na 51. Međunarodnoj olimpijadi iz fizike, čiji je organizator bila Litvanija, učenici nisu putovali u državu domaćina nego su eksperimentalne i teorijske zadatke radili u prostorijama Richmond Park School na Ilidži. Bosna i Hercegovina je na Olimpijadi imala pet predstavnika, a Fatih Žgalj, predstavnik naše Općine, osvojio je bronзанu medalju. Načelnik Hadžibajrić uručio je Fatihu zahvalnicu za njegove rezultate.

Pružena je finansijska potpora sportskim kolektivima iz Starog Grada, Karate klubu "Bašaršija" i Fudbals-

kom klubu "Vratnik". Općina Stari Grad u 2021. godini podržala je značajne sportske događaje poput "Two Cities Marathon - Sarajevo i Istočno Sarajevo" i tradicionalne skokove „Bentbaša Cliff diving 2021“.

Podrška za karatistkinje Edinu, Eminu i Nejru Sipović

Članice Karate kluba „Ippon“, sestre Edina, Emina i Nejra Sipović, koje su Svjetskoj ligi za mlade, osvojile jednu srebrnu i dvije bronzane medalje također su dobile priznanje i nagrade općinskog načelnika. Osim toga, finansiran je odlazak Nejre Sipović na Evropsko prvenstvo u Finskoj gdje je osvojila je drugo mjesto, te tako postala viceprvakinja Evrope u karateu.

Još 14 ambasadora zasadilo lipe



Ekselencije Ito, Waltmans i Hlavsová

Aleja ambasadora

Nakon više od godinu pauze, koju je uzrokovala pandemija korona virusa, Općina Stari Grad od septembra je ponovo nastavila sa tradicijom sadnje lipa u poznatoj šetnici Aleji ambasadora.

U septembru su lipe zasadili ekselencije: Ivana Hlavsová (ambasadorica Republike Češke), Makoto Ito (ambasador Japana) i Jan Waltmans (ambasador Kraljevine Nizozemske).

U oktobru, Aleja ambasadora dobila je sedam novih stabala lipe, a zasadili su ih ambasadori: Olav Reinertsen (Kraljevina Norveška), Damijan Sedar (Republika Slovenija) i Anton Păcurețu (Rumunija), Roem Kono (Republika Indonezija), Raja Saifull Ridzuwan (Malezija), Bojana Urumova (šefica Ureda Vijeća Evrope) i Sadik Babur Girgin (Republika Turska).

Sredinom novembra stabla lipe su zasadili: Christine Toudic (ambasadorica Republike Francuske), Akhtar Jamil Rao (ambasador Islamske Republike Pakistan), Lineu Pupo De Paula (ambasador Federativne Republike Brazil) i Dimitrios Papandreou (ambasador Grčke). Svih 14 ambasadora saglasni su da je ovo jedinstven projekat u koji se rado uključuju.



Ambasadori Reinertsen, Păcurețu i Sedar dobili certifikate o sadnji



Ambasador Turske Sadik Babur Girgin



Hadžibajrić i Hlavsová

Saradnja

Bratimljenja sa drugim općinama

Općina Stari Grad, poznata po velikom broju pobratimskih općina iz svih krajeva svijeta, od ove godine je bogatija za još dvije pobratimske općine. Riječ je o dvije općine iz glavnog grada Republike Sjeverne Makedonije, Skopja. Polovinom septembra potpisan je sporazum o bratimljenju sa najstarijom općinom u Skoplju, Opštinom Čair, koja, kao i Stari Grad, predstavlja kulturno-historijsko jezgro svog grada. U ime Opštine Čair, Sporazum je potpisao načelnik Visar Ganiu.

Općina Stari Grad se potom bratimila i sa jednom od najurbanijih općina u Skoplju-Opštinom Aerodrom koja se prostire na površini od 20 km² i ima oko 72.000 stanovnika. U ime Opštine Aerodrom Sporazum o bratimljenju i saradnji potpisao je šef kabineta Aleksandar Gjorgievski. U ime Općine Stari Grad sporazume je potpisao općinski načelnik mr Ibrahim Hadžibajrić.

Pored načelnika Hadžibajrića, delegaciju Općine Stari Grad u Skoplju predstavljali su i predsjedavajući

Općinskog vijeća Stari Grad dr.sci. Mirza Batalović, v.d.općinskog pravobranioca Enes Smajlović, pomoćnica načelnika za obrazovanje, kulturu i sport Lejla Dizdarević, pomoćnica načelnika za odnose s javnošću Almedina Porča, kao i općinski vijećnici Almedin Miladin i Vedran Dodik.

Općina Stari Grad trenutno ima potpisane sporazume o bratimljenju i saradnji sa 27 općina i gradova iz regiona i svijeta.




Bratimljenje sa Opštinom Čair, Skopje



Delegacije Općine Stari Grad Sarajevo i Opštine Čair



Potpisivanje sa Opštinom Aerodrom



Obilježavanje značajnih datuma



Obilježavanje Dana nezavisnosti

Dan nezavisnosti Bosne i Hercegovine

Dan nezavisnosti Bosne i Hercegovine u općini Stari Grad simbolično je obilježen sadnjom stabla na mjestu gdje je na ovaj dan 2020. godine održana velika svečanost i ozvaničen završetak četiri kapitalna projekta Općine Stari Grad. Tog dana otvorena je prva javna podzemna garaža i najveći višenamjenski trg u Kantonu Sarajevo. Na višenamjenskom trgu stablo je zasadio načelnik Hadžibajrić u društvu mladih ljudi koji predstavljaju ponos ove lokalne zajednice. U simboličnom činu sadnje stabla načelniku Hadžibajriću pridružili su se Hamza Turulja osvajač srebrne medalje u karateu na svjetskom prvenstvu u Čileu u najbolji mladi sportista Bosne i Hercegovine u 2020. godini, zatim Lamija Vrnjak, studentica Elektrotehničkog fakulteta u Sarajevu s prosječkom ocjena 9,16 zbog čega joj je pripala 'srebrna značka' Univerziteta u Sarajevu i Samir Mirvić, član KUD Bašćaršija, najpoznatijeg i najrepresntativnijeg kulturno-umjetničkog društva s tradicijom dugom 74 godine.

Dan Općine Stari Grad, 02.maj

Povodom Dana Općine Stari Grad, 02.maja, učenjem Fatihe i polaganjem cvijeća odata je počast utemeljitelju Sarajeva Isa-begu Ishakoviću, najvećem vakifu grada Gazi Husrev-begu, najboljim sinovima koji leže na Šehidskom mezarju Kovači i rahmetli predsjedniku RBiH Aliji Izetbegoviću. Poslije više od 25 godina od njegovog razaranja tokom agresije na ovaj grad, svečano je otvoren i rekonstruisani vrtić "Bulbuli" na Bistriku. Općina Stari Grad upriličila je ot-

varanje vrtića na jedan od najznačajnijih datuma u historiji ove lokalne zajednice, 02. maj, Dan Općine.



Mezar Alije Izetbegovića



Delegacija Općine Stari Grad u haremu Careve džamije na Dan Općine Stari Grad Sarajevo

Dan državnosti Bosne i Hercegovine

Dan državnosti Bosne i Hercegovine u Starom Gradu obilježen je ove godine nizom manifestacija koje je Općina Stari Grad organizovala kako bi se istakla važnost ovog značajnog datuma za sve građane naše domovine. Delegacija Općine Stari Grad Sarajevo, predvođena općinskim načelnikom mr Ibrahimom Hadžibajrićem odala je počast polaganjem cvijeća i učenjem Fatihe na spomen obilježjima i Šehidskom mezarju Kovači. Osim toga, u čast Dana državnosti Bosne i Hercegovine Općina Stari Grad sa Udruženjem Pomozi.ba organizovala je svečani ručak za korisnike Restorana dobre volje smještenog u Starom Gradu. Općinski načelnik mr Ibrahim Hadžibajrić, sekretarka organa državne službe mr Alma Destanović kao i svi pomoćnici općinskog načelnika i v.d.općinskog pravobranioca volontirali su u ovom udruženju dijeleći obroke korisnicima.

Nakon toga, uz pjesmu, osmijehe i bogatu kulturnu baštinu koju čuvaju i predstavljaju članovi KUD-a Bašćaršija, nastavljen je proslava Dana državnosti Bosne i Hercegovine sa građanima. Organizovan je defile članova KUD-a kroz Ferhadiju i Sarače do Sebilja, a pridružili su im se općinski načelnik, njegovi saradnici, općinski vijećnici i građani. Defile je uz tradicionalne sevdalinke koje su izvodili članovi KUD-a Bašćaršija, praćeni aplauzima i odobravanjem brojnih građana stigao do Sebilja gdje je nastavljen program, a Općina Stari Grad je sve prisutne počastila kafom i čajem.

Godišnjica masakra na Markalama i Dan sjećanja na ubijene građane

Delegacija Općine Stari Grad, predvođena općinskim načelnikom mr Ibrahimom Hadžibajrićem, 05. februara učestvovala je u protokolu obilježavanja godišnjice masakra na Markalama i Dana sjećanja na ubijene građane. Pored načelnika Hadžibajrića, na spomen-obilježju na pijaci



Dan državnosti obilježen i na Bašćaršiji



Polaganje cvijeća kod vječne vatre



Program za Dan državnosti



Načelnik Hadžibajrić i predsjedavajući Općinskog vijeća Batalović



Položeno cvijeće na Markalama



Udruženje Pomozi.ba i Općina organizovali je ručak

Markale proučili su Fatihu i položili cvijeće predsjedavajući Općinskog vijeća dr.sc. Mirza Batalović, pomoćnica načelnika

za boračko-invalidsku i socijalnu zaštitu Safija Šehović, kao i savjetnik općinskog načelnika Samir Muhić.

Obilježavanje značajnih datuma

Obilježena 18. godišnjica smrti prvog predsjednika RBiH

Na Šehidskom mezarju Kovači obilježena je 18. godišnjica smrti prvog predsjednika međunarodno priznate države Republike Bosne i Hercegovine, Alije Izetbegovića. Delegaciju Općine Stari Grad predvodio je općinski načelnik mr Ibrahim Hadžibajrić, a činili su je i v.d. općinskog pravobranioca Enes Smajlović, pomoćnik načelnika za investicije i komunalne poslove Adis Hadžović i vijećnik u Općinskom vijeću Stari Grad Sarajevo Adi Zahiragić (SDA).



Godišnjica smrti prvog predsjednika Alije Izetbegovića

Međunarodni dan osoba sa invaliditetom

Prema zvaničnim podacima, u svijetu je oko 240 miliona djece sa smet-



Inkluzija djece s poteškoćama u razvoju

njama u razvoju, a obaveza društva je pružiti im priliku da ostvaruju svoj puni potencijal, te da budu angažovani u svojim zajednicama. Upravo iz tog razloga, a povodom Međunarodnog dana osoba sa invaliditetom, načelnik Općine Stari Grad mr Ibrahim Hadžibajrić štićenicima Zavoda Mjedenica omogućio je 03.12. jednodnevni rad u Općini Stari Grad. Štićenici Zavoda Mjedenica angažovani su u Šalter sali Općine Stari Grad, a za njihov rad su im isplaćene dnevnice.

Povodom Međunarodnog dana osoba sa invaliditetom, načelnik Hadžibajrić posjetio je Servis centar "Dajte nam šansu" koji na području općine Stari Grad djeluje od 2017. godine, te okuplja roditelje i djecu sa poteškoćama u razvoju. Prilikom posjete dogovorena

je dodjela godišnjeg granta za režijske troškove ovog servisa u iznosu od 10.000 KM.

Međunarodni dan starijih osoba

U parku At Mejdan, u organizaciji Centra za promociju i unapređenje zdravlja „Generacija“, 01. oktobra obilježen je Međunarodni dan starijih osoba. Događaj je organizovan kako bi se iskazala čast i poštovanje kao i briga za osobe treće životne dobi, s ciljem isticanja važnih doprinosa starijih osoba u društvu i podizanja svijesti o problemima i izazovima starenja. Tim povodom načelniku Ibrahimu Hadžibajriću je uručena zahvalnica u ime Udruženja „Generacija“ za pomoć i kontinuiranu podršku koju pruža ovom Udruženju od samog nastanka.



Obilježavanje u At mejdanu

Posjeta Memorijalnom centru Potočari

Uz poruke da Srebrenica nije samo 11. juli i da se žrtve nikada ne smiju zaboraviti, te da je obaveza živih da ne dozvole da prošlost ikada bude zaboravljena, općinski načelnik mr Ibrahim Hadžibajrić sa saradnicima i nosiocima najviših ratnih priznanja - Zlatnih ljiljana i Zlatnih policijskih znački iz Starog Grada, posjetili su 10. septembra Memorijalni centar Potočari i odali počast žrtvama genocida. Prethodno su članovi Udruženja najviših ratnih priznanja Stari Grad posjetili mezarja u Bratuncu i Vlasenici gdje su također proučili Fatihu i položili cvijeće.



Posjeta Memorijalnom centru Potočari



Pomoć povratničkim porodicama u Srebrenici

Pomoć povratničkim porodicama i Srebrenici treba biti kontinuirana, i usmjerena u projekte koji su ovdje najpotrebniji, kao i pojedincima koji ne mogu bez naše podrške. Posebno moramo brinuti o mladima i djeci i uslovima u kojima oni borave i odrastaju, poručio je načelnik Ibrahim Hadžibajrić tokom posjete Potočarima i okolnim selima u decembru ove godine. Načelnik je posjetio i Prvu osnovnu školu Srebrenica za koju je ranije izdvojeno 7.000 KM za popravku grijanja kako učenici ne bi boravili u hladnim učionicama.

"Izdvojiti ćemo još 10.000 KM da im pomognemo u rješavanju problema sa vlagom u učionicama. Ova djeca će imati normalne uslove i to je najmanje što možemo učiniti," najavio je načelnik Hadžibajrić tokom posjete.

U školi se načelnik susreo i sa povratničkim porodicama iz sela Osat i Osmaće, razgovarao sa njima i raspitivao se u kakvim uslovima žive i šta im je potrebno. Porodicama su uručeni paketi sa prehrambenim artiklima, a mališanima novogodišnji paketići.

"Svaka nam pomoć mnogo znači, posebno kad neko brine za našu djecu. Ima puno roditelja koji ne rade, paketići su našu djecu baš razveselili i hvala načelniku na tome," izjavio je Mustafa Beganović, povratnik iz sela Osat.

Nakon toga organizovana je posjeta selu Žutica gdje je načelnik Hadžibajrić posjetio povratničke porodice iz sela Žutica i Sućeska, uručio im pakete i novogodišnje paketiće mališanima. U organizaciji ovih posjeta učestvovala je i Begija Vejzović Smajić, nastavnica u Prvoj osnovnoj školi Potočari i poslanica u Narodnoj skupštini RS-a. Istakla je da ovakve posjete imaju ogroman značaj za sve povratnike u Srebrenici.



Novogodišnji paketići za djecu

Posjeta majkama iz Srebrenice koje žive same

Načelnik Hadžibajrić iskoristio je posjetu da obiđe i majke iz Srebrenice Nuru Mustafić i Refiju Hadžibulić koje su izgubile sinove, muževe i danas žive potpuno same u Srebrenici.

"Vratile smo se ovdje 2000. godine. Sve je bilo srušeno. Izgradile smo kuće u znak sjećanja na našu ubijenu djecu," pričaju ove hrabre majke. "Sad smo same, a trebale bi imati unuke. Teško nam je. Provodimo dane jedna sa drugom. Kod jedne prenoćimo, a kod druge ručamo i večeramo, i tako...". Nura je u Srebrenici izgubila tri sina i muža, a Refija jednog sina. I pored svega vratile su se na svoja ognjišta gdje čuvaju uspomenu na svoje najmilije. Načelnik Hadžibajrić je proveo poslijepodne s ovim hrabrim majkama, posvetio im svoje vrijeme i pozvao da mu se obrate za svaku vrstu pomoći.



Susret sa nanom Nurom Mustafić



S majkom iz Srebrenice Refijom Hadžibulić



Učenici Prve osnovne škole u Srebrenici



Paketi za povratničke porodice



Četvrtu godinu zaredom Stari Grad najtransparentnija općina u Bosni i Hercegovini

Istraživanje otvorenosti 145 općina i gradova u Bosni i Hercegovini u 2021. godini, pokazalo je da je Općina Stari Grad Sarajevo četvrtu godinu zaredom najtransparentnija jedinica lokalne samouprave u BiH, sa porastom stepena ispunjenih indikatora na 73,40%. Istraživanje je i ove godine provedeno u okviru projekta Lokalni indeks otvorenosti Udruženja građana "Zašto ne" i inicijative Istinomjer. Također, kroz njihov projekat "Lokalne samouprave u BiH - Odgovornost i otvorenost u radu" izvršen je i monitoring ispunjenosti predizbornih obećanja načelnika i gradonačelnika u 15 jedinica lokalne samouprave nakon prve godine mandata, gdje je općinski načelnik mr Ibrahim Hadžibajrić postigao rezultat od 15% u odnosu na data obećanja. Od 13 kapitalnih i suštinskih projekata planiranih za period 2020-2024. godine, dva su u potpunosti realizovana, dok ih je pet u progresu.

"Čast mi je što je Općina Stari Grad lider u BiH po transparentnosti, ali i po ispunjenosti obećanja. Ovo je uspjeh svih nas, sekretara organa državne službe mr Alme Destanović, mojih najbližih saradnika i općinske administracije koji su doprinijeli ovakvim rezultatima i zahvaljujem im se na tome. Neke lokalne zajednice u BiH ostvarile su pomak u odnosu na prethodne godine i drago mi je ako smo našim liderstvom podstakli neke od njih da se više aktiviraju na polju transparentnog rada. S

Mjerena četiri osnovna principa

Analiza otvorenosti urađena je na osnovu četiri principa: transparentnost, pristupačnost, integritet i učinkovitost. Među Top 5 jedinica lokalne samouprave su: Općina Stari Grad Sarajevo, Općina Travnik, Grad Gradiška, Općina Kakanj i Grad Tuzla. Poredak ostalih općina u Kantonu Sarajevo je: Općina Novo Sarajevo 7. mjesto, Općina Vogošća 15.mjesto, Općina Ilijaš 27.mjesto, Općina Centar 30.mjesto, Općina Hadžići 34.mjesto, Općina Ilidža 37.mjesto, Općina Trnovo 64. mjesto i Općina Novi Grad 84.mjesto.



Analiza otvorenosti i učinkovitosti

druge strane, žao mi je zbog pada koji su ostvarile ostale gradske općine, pa se nalaze na 30, 37. ili čak 84. mjestu. Čestitam Gradskoj upravi Grada Sarajevo i Općini Novo Sara-

jevo sa kojima smo dosta saradivali i komunicirali u ovoj godini, a evidentan je i njihov napredak u ovoj analizi," poručio je načelnik Hadžibajrić.

Lokalni nivoi vlasti progresivniji u odnosu na više nivoe

Općenito, lokalne samouprave pokazale su puno bolji rezultat u radu u odnosu na više nivoe vlasti gdje istina postoje određene blokade ali im to ni u kom slučaju ne smije biti izgovor za nerad, poručeno je na predstavljanju ovogodišnjih rezultata.

"Prošle godine su rezultati za sve općine i gradove u Bosni i Hercegovini bili 33%. Ove godine je rezultat 40% što znači da je došlo do solidnog povećanja u odnosu na prošlu godinu. Radi se o istraživanju proaktivne transparentnosti odnosno mjerimo da li su informacije od javnog značaja dostupne na web stranicama i kakva je legislativa koja se odnosi na ove zakone i mjere. Kada su u pitanju ovogodišnji rezultati najotvorenija općina je Općina Stari Grad Sarajevo, onda Općina Travnik, pa Grad Gradiška. To je top tri," izjavila je Danira Karović, projektna menadžerica Udruženja Zašto ne.



Načelnik Hadžibajrić dobitnik Jubilarne nagrade za životno djelo

Općinski načelnik mr Ibrahim Hadžibajrić početkom 2021. godine dobio je Jubilarnu nagradu za životno djelo za izvanredne rezultate u razvoju Općine Stari Grad i stvaranje ambijenta za biznis, doprinos afirmaciji općine, kontinuirano ulaganje u infrastrukturu i dugogodišnje prosperitetno vođenje Općine u interesu građana i biznisa.

Nagradu mu je dodijelio Evropski nezavisni žiri, sastavljen od ugled-

nih evropskih i svjetskih menadžera, naučnih i javnih radnika, te ranijih dobitnika nagrade sa šireg prostora regiona. Ovu manifestaciju već godinama organizuje Agencija za izbor najmenadžera BiH, Jugoistočne i Srednje Evrope. Kao jasan pokazatelj kvalitetnog rukovođenja načelnika Hadžibajrića, Općina Stari Grad Sarajevo je tri puta proglašavana najtransparentnijom i najotvorenijom općinom u BiH, 2018, 2019. i 2020. godine.



Sa dodjele priznanja

Najznačajnija načelnikova priznanja

U julu, 2019. godine za rad na jačanju i izgradnji lokalne zajednice, razvoju infrastrukture, privrede, stvaranju pozitivnog okruženja za pokretanje biznisa i otvaranju općine za velike investicije općinskom načelniku mr Ibrahimu Hadžibajriću pripalo je priznanje Evropskog najnačelnika decenije, na Izboru najmenadžera i najkompanija BiH, jugoistočne i srednje Evrope.

Dva puta je proglašen najnačelnikom u BiH 2010. i 2018. godine. Evropski pokret u BiH proglasio ga je 2010. godine Evropskim načelnikom FBIH, a 2016. godine izabran je za NAČELNIKA DECENIJE u BiH. Pripalo mu je i priznanje Večernjakov pečat za lokalnog lidera godine, 2015. godine.

Prema rezultatima portala istinomjer.ba iz 2020. godine, općinski načelnik mr Ibrahim Hadžibajrić ispunio je najviše predizbornih obećanja datih građanima za mandatni period 2016 – 2020, ukupno 84%.

Općina Stari Grad Sarajevo je, pod njegovim rukovodstvom, tri puta proglašena najtransparentnijom i najotvorenijom općinom u BiH, 2018, 2019. i 2020. godine.



Dva puta najnačelnik u Bosni i Hercegovini



Načelnik mr Ibrahim Hadžibajrić ispunio je najviše predizbornih obećanja datih građanima.

Sretnu Novu



*želi Vam Općinski načelnik
mr Ibrahim Hadžibajrić u ime
Općine Stari Grad Sarajevo*